

յերկարիւ վիճին և չգտանել Հայոց օգնութիւն յուստեք, առաքեցին յԵգիպտոս զՏէր Յովհաննէս, Ասլան և զԱստուածատուր, առ Մարկոս Պատրիարքն Գլտոց, և յայտարարին նմա զբռնութիւնս Յունաց, և զկորուստ իրաւանցն Հապեշաց: Այլ նորա չկարացեալ առնել զայլ ինչ՝ ՚ի դատարանի տեղոյն վկայիւք հաստատեաց Գլտոց և Հապեշաց լինել հետեւող ազգին Հայոց, և էառ Հէօճճէթ ՚ի դատարանէն, և վճիւ ՚ի չորից դեմպետաց, և զնոյն ինքն զԱստուածատուր Պատրիարք Հայոց՝ օրինօք դատարանի կարգեաց լինել փոխանորդ ազգին Հապեշաց: յանձն արարեալ նմա զվանորայս զկալուածս և զրաժին տեղիս ՚ի տաճարին Ս. Յարութեան, և յայլ Ս. Տեղիս: լուցանել զկանթեղս և զմմա, կատարել զսովորական թափօրն և զպաշտամունս նոցա: Ժողովել զհասս կալուածոց և տընտեսել զամենայն գործս նոցա, զբնտրութիւն նոր վերատեսչին Հապեշաց, և կարծել զձեռս Յունաց ՚ի վիճակէ նոցին, զի ՚ի Ժամանակէ անտի մեծին Օմարայ երկրքին ազգքն հետեւակք են ազգին Հայոց:

Թէպէտեւ հասին այսոքիկ զրեանք յերուսաղէմ, և Հայք մատուցին զնոսս յատեան դատարանին, բայց չկարացին շահել ինչ: զի այլազգիք հակեալ ՚ի կողմն Յունաց, ոչ կամեցան ունկն մատուցանել բանիցն Հայոց: Տեսեալ Աստուածատուր Պատրիարքի թէ կորոյս զսեփհականութիւնս Հապեշաց, և նստելով յերուսաղէմ՝ չկարէ շահել ինչ: յուղի անկեալ չոքաւ ՚ի Կոստանդինուպօլիս աշակերտովք իւրովք (1636): Եւ անկեալ ՚ի դրունս գլխաւորացն Հայոց՝ խնդրէր օգնութիւն ՚ի նոցանէ: բայց նոքա ոչ ինչ նպաստեցին նմա: զի կային պատողեալ զաղմըկաւ իւրեանց:

Իսկ Մարինոս Մալխայի որ եկն յերուսաղէմ վերատեսուչ Լատին վանաց (1632): և ՚ի նոյն ամի Լատինք կառուցանէին զնոր շինուածս ՚ի վանս իւրեանց, յոր սակս կրեցին բազում նեղութիւնս յայլազգեաց՝ այլ իմն եղանակաւ պատմէ ՚ի գիրս իւր: «Վերջապէս յամին 1633 Պատրիարքունք Յունաց և Հայոց, և նոյն ինքն Մարինոս տեսուչն Լատինաց, չոքան ՚ի Սաշավանքն Յունաց: և ՚ի գիշերին յայնմիկ խոյս ետուն յաւանն Ռեմէլէ և ապա